



Broj: 04-40-1-308/21
Sarajevo, 05.11.2021. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 04.11.2021. do 08:30 sati 05.11.2021. godine

Zbog obilnih kišnih padavina koje su pogodile područje Kantona Sarajevo u toku noći 04./05.11.2021. godine, došlo do porasta vodostaja rijeka Bosne, Miljacke, Željeznice, Zujevine, Dobrinje, Tilave, Ljubine, te njihovih manjih pritoka (potoka), kao i pojava bujičnih, oborinskih i podzemnih voda uslijed čega je na području Kantona Sarajevo došlo do poplava na području općina: Ilidža, Novi Grad i Trnovo.

Direktor Kantonalne uprave civilne zaštite Kantona Sarajevo je odmah izašao na najugroženija područja od poplava na području općina Ilidža, Novi Grad, Centar i Stari Grad kako bi koordinirao sa općinama i KJKP na preduzimanju neophodnih mjera i aktivnosti na zaštiti i spašavanja ljudi i materijalnih dobara. Po nalogu direktora Kantonalne uprave civilne zaštite Kantona Sarajevo angažovane organizovane strukture zaštite i spašavanja Kantona Sarajevo (pripadnici Profesionalne vatrogasne jedinice i službi zaštite i spašavanja).

Općina Ilidža:

- Izlila se rijeka Tilava na lokaciji Donji Kotorac i Butmir i poplavila oko 50 objekata (prizemlja).



- Izlila se rijeka Željeznica u naselju Otes ul. Barska poplavljeno više objekata.
- Izlilo se Rakovački potok u naselju Vlakovo ugroženo nekoliko objekata.

Općinska služba civilne zaštite angažovala svoje službe spašavanja i povjerenike civilne zaštite, kao i općinsku službu za komunalne poslove i JP Ilidža sa mehanizacijom, vrećama sa pijeskom i ljudstvom na otklanjanju posljedica od poplava i spašavanju ljudi i materijalnih dobara.

Najugroženije je u naselju Otes u ul. Barska gdje organizovane snage zaštite i spašavanja Kantona Sarajevo i Općine Ilidža vrše evakuaciju ljudi sa vatrogasnim kamionima u sigurne objekte.

Također, su preduzeti mjere na izmještanju osoba iz doma za starija lica iz prostorija koja se nalaze u prizemlju u prostorije na prvom spratu.

Po nalogu direktora Kantonalne uprave civilne zaštite Kantona Sarajevo angažovana je Služba za smještaj ugroženog i nastradalog stanovništva i snabdijevanje, koja je formirana u Crvenom križu Kantona Sarajevo na dostavljanju neophodnih potrepština ugroženom stanovništvu.

Općina Novi Grad:

- Izlila se rijeka Bosna u ul. Dobroševićka br. 152. i 154.
- Poplavljen je podvožnjak u Buća Potoku.
- Poplavljene raskrsnice na X transverzali, zarobljeno nekoliko vozila.
- U ul. Bratunačka čikma 23., bujična voda ušla u podrumске prostorije stambenog objekta.

Ekipe Općinske službe civilne zaštite Novi Grad su na terenu i poduzimaju neophodne mjere zaštite i spašavanja.

Općina Trnovo:

Bujične vode ušle u podrumске prostorije nekoliko stambenih objekata i u prostorije PS Trnovo. Općinska služba civilne zaštite Trnovo angažovale pumpe na ispumpavanju vode iz prostorija.

Općina Centar:

- Zbog začepljenih odvoda i šahtova poplavljena raskrsnica ul. Reisa Džemaludina Čauševića i Mis Irbina. Angažovano DVD Bjelave i KJKP Vodovod i kanalizacija na očepljavanju odvoda i šahtova.
- Palo veliko drvo na saobraćajnicu u ul. Jukićeva uslijed čega je saobraćaj na toj lokaciji bio u prekidu. Angažovano KJKP Park na uklanjanju drveta sa saobraćajnice.

Općina Novo Sarajevo:

- U hotelu Bristol voda se ulila u garaže.
- U ul. Gornji Velešići br. 103., drvo palo na saobraćajnicu.



Ekipe Općinske službe zaštite i spašavanja su izašli na teren i preduzeli neophodne mjere zaštite i spašavanja.

Općina Stari Grad:

Usljed obilnih padavina došlo je do porasta nivoa akumulacije na brani Bentbaša. Angažovana nadležna općinska služba koja je regulisala protok vode na brani.

Iz općinskih službi civilne zaštite: Vogošća, Ilijaš i Hadžići smo obaviješteni da obilne kišne padavine nisu prouzrokovale veće probleme.

U izvještajnom periodu Kantonalni operativni centar civilne zaštite primio je jednu informaciju o pronalasku NUS-a i to dana, 05.11.2021. godine u 12:37 sati od Službe civilne zaštite Ilijaš, da je u naselju Srednje, pronađen jedan nepoznat NUS.

O primljenoj informaciji obaviješteni su pripadnici Tima za UES Federalne uprave civilne zaštite, koji će navedeno neeksplozirano ubojno sredstvo preuzeti u narednom periodu.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 10 intervencija i to: jednu na gašenju zapaljenog krova kuće, jedna na gašenju zapaljenog automobila i osam tehničkih intervencija (pet na izvlačenju lica i vozila iz vode, dvije na uklanjanju palih stabala sa saobraćajnice i jednu na sapiranjju platforme na Međunarodnom aerodromu Sarajevo).

Elektrodistribucija Sarajevo: Zbog nevremena i obilnih kišnih padavina pojedini potrošači nisu snabdjeveni sa električnom energijom.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 5°C, vlažnost zraka 73%, barometarski pritisak 945,8 hPa.

BIHAMK: Saobraćaj se na području Kantona Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA
Fahrudin Pribišić



web: <https://kucz.ks.gov.ba>
e-mail: oc@kucz.ks.gov.ba
Tel: + 387 (0) 33 121, 556-670
Fax: + 387 (0) 33 556-671
Sarajevo, Reisa Džemaludina Čauševića 1

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>
e-mail: oc@kucz.ks.gov.ba
Tel: + 387 (0) 33 121, 556-670
Fax: + 387 (0) 33 556-671
Sarajevo, Reisa Džemaludina Čauševića 1